

Praefatio.

Exhibeo tibi, B. L., carmina duo, ineditum alterum, alterum jam dudum publici juris factum et ab omnibus justis laudibus celebratum, at in nostris certe regionibus aditu plerisque minus facile. Kâlidâsae nomen utrumque prae se fert, quod quo jure fiat ut inquiram, a me fortasse expectabitur. Ut breviter dicam, quid existimem: cum Meghadûta isto Çakuntalâ, Vikramorvaçî, Raghuvançâ et Kumârasambhava certo ejusdem poetae sunt, quem fere primo ante Christum natum saeculo vixisse verisimilior sententia est. Illud ex mentis indole, arte poetica, elocutione, quae eadem in omnibus istis operibus apparet, fusius demonstrandum, hoc ex historiae Indorum vestigiis, quatenus nobis hodie cognita sunt, probabile reddendum, utrumque a dubitationibus, quae viris quibusdam doctis de ea re motae sunt, vindicandum in hac prae-